

四川名勝志卷之二十六

閩中曹學佺能始著

川西邊防一

松潘 漳臘 小河

松潘道開府松潘衛與副總兵官一員分城而居  
叅將一員舊駐小河千戶所今移駐龍安城遊擊  
將軍一員駐劄漳臘堡守備都指揮一員駐劄平  
番堡其餘把守練兵官各有差○按後漢書建武  
九年司徒掾班彪上言舊制涼州部置護羌校尉  
持節領護理其怨結歲時巡行問所疾苦又數遣

四川名勝志

卷之二十六

一

驛徒通導動靜使塞外羌夷爲吏耳目州郡因此  
可得儆備今松潘備兵卽古護羌使者之職也○  
尋江源記云松州平康縣羊膊山下有二神湫乃  
大江始發之所自羊膊嶺散漫始未濫觴東南百  
餘里至白馬嶺回行二千餘里至龍涸水障始于  
是也志曰岷江發源于臨洮之木塔山山頂分東  
西流由斗松嶺八百里至漳臘其水漸大復逕鎌  
刀灣達松潘于下水關入紅花屯達壘溪至穆肅  
堡黑水從南合之入深溝經茂州南至于威汶轉  
銀嶺合草坡河至豎巖入灌江分道而下由威至



玉壘山爲玉輪江至汶爲皂江至灌爲沫江○衛  
北三舍有龍潭四序淵澄其深莫測有嶺謂之小  
分水嶺又有大分水嶺山高峻而水派流距小分  
水嶺一百二十里○四夷傳曰西羌之本出自三  
苗其先爲伯夷甫炎帝之裔帝毋育于姜水而以  
姜爲姓故諸羌亦姓姜其國始近南岳及舜徙之  
三危今河關之西南羌地是也濱于賜支至乎河  
首緜地千里賜支者析支也王政修則臣伏德教  
失則寇亂本無君長夏末及商周之際或從侯伯  
征伐有功天子爵之以爲藩服羌爰劔者秦厲公

時爲秦所執以爲奴隸羌人謂奴爲無弋故號爲  
無弋爰劔後得亡歸將其種人南出賜支河其後  
子孫各自爲種或爲犛牛種越雋羌是也或爲白  
馬種廣漢羌是也或爲參狼種武都羌是也至爰  
劔曾孫恣及弟舞獨留湟中恣生子研故羌中號  
其後爲研種漢景帝時研種留何求守隴西塞于  
是徙留何等于狄道安故及武帝西逐諸羌乃渡  
河湟築令居塞始置護羌校尉從爰劔種五世至  
研研最豪健十三世至燒當復豪其子孫更以燒  
當爲種號滇良者燒當之玄孫時王莽篡位四夷



內侵及莽敗衆羗還據西海光武之世以牛邯爲  
護羗校尉卽此地也燒當至滇良世居河北大允  
谷種小人貧而先零卑湍並皆強富數侵犯之滇  
良父子積怒從大榆中入掩擊先零卑湍大破之  
掠取財畜奪居其地大榆中由是始讎滇良死子  
滇吾立附落轉盛常雄諸羗在晉內附以其地屬  
汶山郡宋齊亦得之後爲西魏所有焉魏書鄧至  
傳王像舒治者並白水羗也常爲羗豪自稱鄧至  
王其子舒彭遣使內附拜龍驤將軍益州刺史其  
松縣開國子鄧至王請以封爵授子彭奮高祖許

四川名勝志

卷之二十六

三

之拜奮建忠將軍其松縣開國子卽爲小藩朝貢  
相繼關中亂乃絕後魏末平鄧至番始統有其地  
後周保定五年于此置龍涸防天和元年改置扶  
州領龍涸郡隋初廢州郡以其地併入汶山同昌  
二郡唐武德元年置松州貞觀二年置都督府松  
踞懿嗟關隣雅聚可遠奉嚴諾峩彭軌盍直肆位  
玉璋祐臺橋序等二十五羈縻州永徽之後生羗  
相繼服叛不常儀鳳二年復加整比督文扶當柘  
靜翼六州都督羈縻三十一州據天寶之載薄松  
州都督府一百有四州其二十五州有額戶口頗



多但羈縻逃散餘七十九州皆生羗部落或臣或  
否無州縣戶口矣天寶初改松州爲交川郡乾元  
初復爲松州按貞觀分十道時松文扶當悉拓靜  
等州屬隴右道永徽之後割屬劍南○寰宇記云  
松州治嘉城縣卽後魏白水羗像舒治所據也其  
子舒彭遣使朝貢拜龍驤將軍始置甘松縣矣後  
周之龍涸防及改置扶州皆治于此隋曰嘉誠唐  
改曰嘉城○甘松嶺在衛西北三百里州以此名  
按甘松嶺亦謂之松葉嶺江水發源于此土人謂  
之松子嶺也又有石門水自龍州石門山連亘經  
四川名勝志

卷之二十六

四

力

郡界合江故曰石門水矣○松州屬縣有平康交  
川按平康縣晉屬汶川郡隋屬會州後廢唐垂拱  
元年割交川及當州通軌翼斜三縣置平康縣屬  
當州○交川縣後周天和中置隋屬會州唐改屬  
當州志云平康交川二廢縣址俱在衛治西○通  
志云潘州者唐廣德初年松州陷于吐蕃五代諸  
羗各據其地宋崇寧取邦潘疊三州初屬吐蕃首  
領潘羅支故名潘州元屬吐蕃宣尉司 國初洪  
武十一年御史大夫平羗將軍丁玉克復其地設  
松州潘州二衛後併爲松潘衛鎮守茲土者二十



年後復改松潘等處軍民指揮使司隸四川都司屬川西道領守禦千戶所曰小河安撫司四曰八郎曰麻兒匝曰阿角曰芒兒長官司十七曰占藏先結曰蠟匝曰白馬路曰山洞曰阿昔曰白定曰麥匝曰者多曰牟力結曰班班曰祈命曰勒都曰包藏曰上阿昔曰思曩兒曰阿用曰潘幹寨各降符印列爲守土焉復立番僧二人爲國師曰商巴曰綽領二人爲禪師曰黎巴曰完卜亦皆佩銀章也○西邊記云國師商巴佛教也禪師黎巴道教也其寺觀散居寨落以主化導番夷丁大夫時設四川名勝志

卷之二十六

五

貞

鑄金銀錠有足或無足者賞給諸番番呼曰丁大夫寶重五六兩者番價值三五十兩其家有一二錠遂名爲財主錠發夜光稱神異矣○龍涸志云男曰安達女曰白麻多種青稞圓根好用羶羊麥紛宋史云松番之俗日耕野壑夜宿碉房刻木契以成交易灸羊膀以斷吉凶人精悍善戰鬪○志云其地廣六百七十里袤千六十里編戶通二十一里東至龍州界一百九十里西至牟九結吐蕃草地界四百八十里南至疊溪守禦千戶所界二百里北至陝西洮州衛界八百六十里距成都七



百六十里雪嶺面于東洮河界其西雪嶺其色如銀俗呼爲寶頂山巉崖路險人跡罕到卽老杜所稱松州雪嶺東也洮河發源岷山北流入陝爲臨洮府南入川爲大江之祖○金蓬山在衛東南五里羗金蓬者居之山下石巖鑄永泉二字正統初都督李安以劔斫巖而得二水亦名文武水○紅花牛心二山各去衛十五里峯巒圓秀者牛心也紅花有屯田是名紅花屯又東四十里爲火燄山山無草木其色如赭○城西有大悲寺唐天寶間僧智廣所創 國初設僧綱司以僧惠心爲都綱

掌其事景泰改元吐蕃猖獗累欲發兵剿討嗣都綱智中往撫諭之蕃乃革心向化事聞陞智中爲崇化禪師賜以銀印冠帽袈裟藏經之屬智中浙之仁和人姓姜氏別號一天○赤松觀在古松之南世傳三皇時雨師隨風雨上下莫知其跡于此地飛昇後人立祠焉元鼎失馭兵燹之餘其跡尚存開國己卯錢塘羽士顧道昇來棲于此游神清淨人向往之于是觀宇爲之一新落成道昇詣蜀獻王請額時荆南道士劉虛舟進赤松子畫像及中誠經正展覽間而道昇適至王偉其誠遂命教



授張景辰隸古赤松觀四字及所進經像以歸道  
昇復于後殿築玉皇閣金碧輝煌殆與雪山相掩  
映矣○四夷考云宣德二年松潘千戶錢宏聞有  
交趾之役憚于遠征乃誘蠻族入寇請張奏報得  
留不遣蠻自是煽禍攻圍城堡調官軍五千討之  
至威州黃土舖失利道遂不通三年命總兵都督  
陳懷等帥西軍四萬由洮州入松潘解圍猶弗克  
靖八年復調川貴官軍協力從事始克成功正統  
四年都指揮趙諒誘執蠻酋國師商巴以犯邊聞  
遣都督李安征之尋誅諒誣蠻乃服然猶懷反側  
四川名勝志

卷之二十六

七

桂

至十四年始設松潘巡撫都御史一員以都御史  
寇深及侍郎羅綺相繼臨之咸有成績綺還京提  
督文臣不復更置但以備兵使者整飭之而已天  
順五年蠻截我糧道入龍安石泉等處成化十三  
年勢益猖獗復勅撫臣張瓚調漢土官兵五萬由  
東南二路分進剿滅白羊嶺鶯飲溪等二十一寨  
斬蠻首級四百餘顆於是商巴等二十六族詣軍  
門獻馬納款各諭以利害遣之十四年正月復攻  
黃頭復水諸寨前後殺獲男婦七百餘人赭其碉  
房九百墜崖死者不可勝計亦一大創矣弘治間



跳梁如故南路梗阻正德二年副總兵楊宏誘殺  
綽嶺寺國師雪郎王出自後本寺小宛上等動稱  
報讐松城之外不敢晝牧嘉靖十一年勅副總兵  
何卿來節制諸軍相機剿討烏都等十一寨皆次  
第平而詣軍門送款者日至矣卿家視松州諸所  
繕緝百廢俱興藩籬以固兵威亦震百蠻喘息不  
敢動垂五十年來生齒日繁復萌戎心時出殺人  
剽掠行旅萬曆八年兵使者楊一桂是以有三寨  
之役又雪山國師喇嘛等四十八寨勾虜爲患邊  
氓岌岌十四年都御史徐元泰是以有會剿之役

四川名勝志

卷之二十六

八

桂

及丙申九月秋高虜騎突由寒盼黃勝草場分道  
馳入圍漳臘守備張良賢率兵破之斬首六級又  
攻鎮虜百戶杜世仁死戰斬首四級城得保全世  
仁死焉又攻制虜臺前後斬首十一級虜遁去良  
賢追至思答弄又大破之斬首十六級虜乃失利  
去初虜之入也襲我無備偵者不知其數及遁去  
巡視營壘不下五千餘灶未幾有番婦逃回言所  
斬虜級中有大落赤之姪小王子在焉虜以此必  
欲報讐故昔之松潘重在番今之松潘重在虜矣  
○四夷考曰松潘西至流沙關相連天竺西南達



紅土坡生番多係北虜出沒地勢遼絕非可限域  
惟是南通疊茂威灌東通小河龍安北通漳臘墩  
臺守禦凡八十七所戍守主客官軍舍餘遊兵一  
萬一千六百八十餘人歲額坐邊倉一十六處糧  
九萬九千三百八十餘石而增設不與焉○東路  
經畧志云松潘以東望山關雪欄關風洞關松林  
堡紅巖關三舍堡鎮遠堡小關子堡松丫堡三路  
堡師家堡四望堡凡十二處抵小河千戶所四巖  
絕壁一線僅通附近水牛毛公羊洞諸番未甚驚  
獮今以三舍關爲始第其里次○三舍者去衛城  
四川名勝志

卷之二十六

九

桂

九十里而遙也爲小河適中地有把守指揮一員  
管轄上至望山下至四望共十三關堡羊腸鳥逕  
峭壁危湍嶮巖萬狀番夷往往潛伏而窺伺焉三  
舍上十里爲伏羗堡伏羗上十里爲松林堡多黑  
松故名松林上九里爲風洞關洞深不可測多惡  
風午輒大作作則灰沙蔽天人馬皆辟易寒氣襲  
人觸之多橫死否亦喘息旬日蓋山嵐鬱蒸之氣  
所發也關北鹽井墩卽古鹽川廢縣風洞上五里  
爲雪欄關其山四時積雪不消俗呼爲寶頂山關  
在山下雪欄上十二里爲望山關關上八里卽松



州也三舍下十里爲鎮遠堡鎮遠下八里爲小關  
堡小關下八里爲松堖堡松堖下七里爲三路堡  
三路下八里爲師家堡師家下八里爲四望堡又  
二里爲小河所○南路經畧志云松潘以南紅花  
屯熊楨屯西寧關小屯堡安化關鎮華堡新塘關  
艾蒿堡歸化關北定關蒲江關平夷堡金甌堡鎮  
平堡鎮番堡靖夷堡平定堡凡十有七處抵疊溪  
界○四夷攷曰南路自西寧關起以至平定堡河  
東大姓屬牛毛土官管轄河西小姓屬羊毛土官  
管轄卽志所謂牛腦羊腦也不服冠帶不受約束  
四川名勝志卷之二十六 十  
喜則同部落席地歡飲怒則持刃彼此相擊萬曆  
初年河東頗肆憑陵十四年征之搗其巢穴斬首  
二千餘級焚碉房千餘座始傾心向化埋奴誓願  
認守地方迄今不敢犯河西恃有長江之阻逆我  
文告其時亦震驚移遁深箐隔岸羅拜乞降許之  
有國師喇嘛灣仲者潛獻皮幣于土韃乞師伏于  
鐵爐溝以牽制我乘便邀擊事覺就擒其謀始破  
而膽落矣○歸化關在衛南百里寰宇記霸州有  
歸化縣置在移村各有部落主持無徵科今雖失  
故處而關名寔因之地形險要上至西寧下至鎮



江關堡凡九把守指揮一員以龍溪等寨大小橫梁爲諸番所出沒也歸化上七里爲龍韜堡龍韜上十里爲新鎮關新鎮上十里爲百勝堡百勝上五里爲安化關安化上七里爲雲屯堡雲屯上八里爲西寧關西寧上八里爲雄溪屯則南路之首也鐵爐溝諸夷在其界內○歸化下十二里爲北定關有祠祀二邊史劉方五將正德六年番僧雪欄王出謀爲不軌守將指揮邊輔史寬百戶劉賢方捷櫻鋒死戰輔寬遇害于黃土坡賢捷被執至寨縛柱將剖其心二將罵不絕口而亡事聞與于

四川名勝志

卷之二十六

十一

王

孫進一級承襲輔弟輪承兄職嘉靖七年巡南路至北定關遇橫梁茹兒等番輪率其僕邊永興軍餘史十匝等數人與戰已取勝值天雨溪泛諸番四集輪被傷永興負輪行數十步至巖不能進執刃亂揮知不可支乃伏于輪身主僕俱被害事聞贈輪都指揮僉事永興百戶史十匝等俱厚賚優恤焉北定下十一里爲鎮江關別拓大小耳別等寨在其界內寰宇記云歸化縣有大聾山小聾山在霸州西北一十里號苻堅城又云于小聾山上村置牙利縣或卽大小耳之故迹也鎮江下四里



爲平番堡平番下八里爲平夷堡其地寬平僅容  
千騎爲四十八寨飲盟插血之地卽黃沙壩矣萬  
曆十四年建城堡設守備一員把總練兵官一員  
管轄自西寧關至平定堡馬鎮平關上七里爲金  
瓶堡金瓶上六里爲平夷堡鎮平下七里爲鎮番  
堡鎮番下八里爲靖夷堡靖夷下八里卽平定堡  
也平定下八里爲永鎮堡係松茂二鎮交界處鎮  
平堡指揮一員守之○北路經畧志云松潘以北  
穀粟屯高屯子羊裕屯唐舍屯譚廓屯漳臘屯以  
上凡七堡抵吐蕃洮河界○四夷考云漳臘堡設

四川名勝志

卷之二十六

十三

王

在河東去城三十八里松州之背也舊制駐劄守  
備一員管轄上下關堡爲寒盼口上中潘州上下  
羊洞等隘口自漳臘北去遼廓幽遠一望無際蓋  
萬騎可從容矣近改設遊擊一員以鎮壓之良審  
所重也漳臘上十五里爲鎮盧堡在河東元山子  
上後天險墩前觀化墩東于襄臺西制虜臺聲勢  
相望然直北爲敵貢壩舊掘品字賺坑數百中置  
鋒刃木簦口覆芭土以掩之焉又北去三里曰城  
牆巖東臨河畔西抵山麓掘壕寬深丈許橫截六  
百餘丈明斷彼路河西川盼溝壕壑之制亦如之



越溝二十里登阿玉嶺之巔可瞰黃勝草場場之東有阿玉口凡二十里透嶺出川盼則東南西北惟所馳驅議者于天險觀化二墩克拓寬廣石砌牆垣一周外掘壕塹以防衝突亦庶幾扼其吭云鎮虜堡上二十里之栢木橋卽界外矣○漳臘下七里爲虹橋關係松城北隘有落虹橋長二十丈餉道所必經也虹橋下七里爲譚廓屯譚廓下七里爲塘舍屯塘舍下六里爲羊裕屯羊裕下六里卽松城又虹橋下八里爲高屯子高屯下七里爲穀粟屯穀粟下十里亦卽松城也離松十四里爲

流沙關乃北虜經由地每秋防必加意焉松城下五里爲紅花屯紅花下七里爲雄溪屯雄溪左十三里爲東勝堡歲熟番受賞可稱無事惟是虹橋西北十五里爲絕塞墩北界黃山尖殺鹿塘黃勝草場等處路通洮岷先年陳懷率兵由此道入解松圍今爲番虜間阻以其往來射獵于斯也下潘州白利等番挾牛羊羶毳來或由阿玉嶺或由鐵門墩出抵寒盼祈命諸寨貿易茶斤歲以爲常稍失防範釁端輒起且阻絕長溝救援難及形勢孤懸最爲可慮議者于墩前石砌聯城一座直抵河



下以通水道又依山掘壕絕其乘高則于覆壓乎  
何有○古蹟攷云潘州故城在衛北七百五十里  
漢武帝時逐諸羗渡河湟居塞外築此城置護羗  
校尉以禦之宋時分上下中潘三州今阿失寨卽  
上潘州班班簇卽下潘州界二州之間則中潘州  
也其地愈北山愈平夷舊漳臘之設在下潘州○  
侍郎羅綺漳臘新記云距松衛治之北百里曰漳  
臘卽古潘州也城之故址尚存其下有巖穴空洞  
幽邃廣可容列騎深亦不知幾許旁有玻璃泉冬  
夏淵然不涸其土地膏腴山川秀麗蓋自唐盛時  
四川名勝志卷之二十六  
十四  
所開拓雖隸版圖而土蕃酋長猶然竊據但羈縻  
之而已宋元以來無復中國有我 朝混一華夏  
洪武十一年王師始下潘州入與編民賦役無殊  
乃于其地建置屯堡使士卒且耕且守累數十年  
足食足兵邊人安堵宣德丁未守將失馭氏羗蜂  
起梗我餉道燹我關塞而潘州復爲所據者凡二  
十有八年景泰辛未余奉命來鎮茲士不揣思欲  
平復之乃大集諸酋陳以逆順禍福無不稽顙聽  
命于是復增置城池樓櫓凡戰守之具視昔有加  
不殫一石之粟不勞一人之力而數千百頃沃饒



之北遂復爲我有又晏然置城于其間俾兵農雜居累歲豐獲邊人安枕寔朝廷威德所及余何功之與焉或者以潘州之城與唐世籌邊樓相頡頏後先余亦豈敢多讓景泰六年記○曹學佺曰今之漳臘去松州一舍而遙非百里外之漳臘矣前張後弛勢使然也余以庚戌署藩司事料松邊兵食聞韃虜任牧于漳臘城內有百五六十帳殊駭聽聞乃檄漳臘遊擊何奮武得回牒云謹按漳臘一鎮五隘九屯一十八墩堡延袤二百餘里襟帶山河襟居夷虜所由來矣前不具論萬曆二十四年火落赤入寇彼時內有守備張良賢策救以截其鋒外有合壩犄角以牽其勢雖虜衆攻圍鎮虜三晝夜而不能破于時掌堡百戶杜世仁也豈異人任而其父子督軍兵數百人力戰射死小王子斬首數十級松漳卒賴以無事而合壩遂因之任牧焉續在三十二年廢將李宗望代庖漳臘遇有合兒頓奪哨毛兒損等韃接踵投居會治兵使者亦署官也侈然有張伐之意輒撫賞安插牛馬羊隻布滿山溪毛帳毳房星列草地猶肘腋間眠虎豹門庭內牧犬羊逐之恐釁端目此發也聽之



恐禍本無所終也彼其往來漳松之間豈惟共我  
水草利我鹽茶凡倉庫之虛實軍兵之強弱道路  
之衝要無不盡知萬一生心何以制而禦之惟是  
高屯堡者在虹橋之內禦寇之下譚廓之西正適  
中要地實乃松鎮以北之藩屏也議設把守一員  
撥唐順等軍五十名以耀威武而坐扼其吭焉誠  
爲良策矣第當展築屯基寬包隙壩貫路于中不  
惟容衆且可據險緣由到司覆看得松潘者蜀西  
之門戶漳臘者松潘之咽喉也自土韃合壩合兒  
頓等在牧其中羶房毳室以百五六十計犬羊之

四川名勝志

卷之二十六

十六

性馴擾無常非我族類其心必異豈非他日之隱  
憂哉昔者隋唐之禍可鑒已但既來之則安之可  
以理而諭也方來者不可長須以勢而禁也惟是  
漳臘之鎮虜堡原設把守一員地方遼闊勢本孤  
懸今且伏戎在內萬一有變聲意不相聞何暇于  
左右顧哉議者以高屯堡要害之處添設把守以  
遏其衝且與漳臘爲犄角誠策之善者也該堡事  
務仍令本官兼攝巡視軍兵卽在各營抽選亦無  
所糜費矣若夫整行伍除戎器綢繆未雨有備無  
患此該道將之事也時當事者如議行之○小河



千戶所 國初洪武十一年與松潘衛同置在衛  
東百九十里宣德四年調成都前衛後所官軍實  
治之仍隸松潘按小河之地古名涪陽以水出松  
潘分水嶺入涪江云○所北二十里師家山一名  
文山宋時師文二大姓所居山麓有文山關又有  
師家舖則界于龍州矣東有獅峯西有象嶺各離  
一里許有靈泉焉出獅峯下○經畧志云松潘又  
東爲堡七曰蜂巖葉棠馬營水進鎮夷鐵龍乃抵  
龍安○四夷考曰小河之下鐵龍之上惟葉棠爲  
要隘有葉棠把守官轄之東通白馬毛公西逼竹  
四川名勝志

卷之二十六

七

五

頭野猪白草諸寨上六里爲峯巖堡峯巖上十里  
卽小河也下四里爲馬營堡馬營下七里爲水進  
堡水進下八里爲鎮夷堡鎮夷下十里爲乾坤堡  
乾坤下二十里爲鐵龍堡堡有兩山對峙峭壁萬  
仞二水會流深不可測上爲鐵索橋索凡六條各  
長一十五丈引于河之西岸繫以鐵柱中道板蕩  
行者戒心焉嘉靖間龍州宣撫薛兆乾作亂斬鐵  
橋以拒官兵旬日松州米貴如金矣鐵龍下十五  
里卽龍安府云○唐史太宗置松州都督府督羈  
縻二十五州曰踞州貞觀元年置領縣二江源洛



楮○懿州五年置西吉州八年改爲懿州領縣二  
關涼落吳○麟州五年置西麟州八年去西字領  
縣七碛州和善斂具碛源王交利恭東陵○雅州  
五年置西雅州八年去西字領縣三新城三泉石  
隴○藜州三年置領縣五都流寧遠臨泉臨河其  
餘厥調奏殷匄器邇率鍾並諸羗部落遙立之而  
已○可州四年置西義州八年改爲可州里領縣  
三義誠清化靜方○遠州四年置領縣二羅水小  
部川○奉州三年置西仁州八年改爲奉州領縣  
三奉德思安永慈○巖州五年置西金州八年改  
四川名勝志 卷之二十六 六  
爲巖州領縣三諾川歸德離涓○蛾州五年置領  
縣二常平邠川○彭州三年置洪州七年改爲彭  
州領縣四洪川歸遠臨津歸正○軌州都督府二  
年置領縣四通川王城金源俄徹○盍州四年置  
西唐州八年改爲盍州領縣四湘水河唐曲嶺祐  
川○直州五年置西集州八年改爲直州領縣二  
集川新川○肆州五年置領縣四歸唐芳藜鑿水  
磨山○位州四年置西鑿州八年改爲位州領縣  
二位豐西使○玉州五年置領縣二玉山帶河○  
嶂州四年置領縣四洛平顯川桂川顯平○祐州



四年置領縣二廓川歸定○臺州六年置西滄州  
八年改爲臺州○橋州六年置○序州十年置嗟  
州闕州十年置右俱貞觀之時招慰党項羗者舊  
屬隴右道改隸松州都督府永徽已後或叛或臣  
制置不一今並廢省聊備古跡而已○唐書■谷  
渾西羗名正益州西北去青海二十五里古析支  
之地漢西羗之別種也魏晉以降西羗微弱周滅  
宕昌鄧至之後党項始強南雜春桑迷桑等羗北  
連吐谷渾其種每姓別自爲部落一姓之中復分  
爲一小部落大者萬餘其小者數千騎不相統一

有細封氏費聽氏往利氏頗超氏野辭氏房當氏  
米禽氏拓拔氏最爲強大貞觀五年詔遣使開其  
河曲地爲六十州內附者三十萬口有羗酋拓拔  
赤詞者甚爲渾主伏允所暱與之結婚屢抗官軍  
後與其從子思頭並率服與諸首領歸款列其地  
爲懿嗟麟可等三十二州以松州爲都督府賜姓  
李氏自是從河首積石以來並爲中國之境後吐  
蕃強盛拓拔氏漸爲所逼遂請內徙聽移部落于  
慶州因置靜邊等州以處之故地陷于吐蕃不去  
者爲其役吐蕃謂之弭藥又有黑党項在赤水之



西李靖之擊吐谷渾也渾主伏允奔于黑党項居以空閑之地及吐谷渾舉國內屬其黑党項首領號執善王亦貢方物其雪山党項姓破丑氏居雪山之下貞觀初亦嘗朝貢又有白狗春桑白蘭等諸羗自龍朔以後並爲吐蕃所破而服屬焉○有附國者在蜀郡西北二千餘里卽漢之西南夷也嘉良夷卽其東部所居種姓自相率領不屬統一隋大業五年附國王遣其弟子宜林率嘉良夷等六十人朝貢嘉良有水闊六七十丈附國水闊一百丈並南流以皮爲船而濟南有薄緣夷風俗亦四川名勝志

卷之二十六

二十



捷便擊劍漆皮爲牟甲爲弓長六尺以竹爲弦  
皮爲帽形圓如鉢或戴罽離衣多毛毳全剝牛脚  
皮爲靴項繫鐵錢手貫鐵釧王與酋帥金爲首飾  
曾前懸一金花徑三寸其土高氣候涼多風少雨  
土宜小麥青樑山出金銀多白雉水有嘉魚長四  
尺而鱗細○東女國者西羌之別種也以西海中  
復有女國故曰東以別之俗以女爲王東與茂州  
党項接東南與雅州接界隔羅女蠻及白狼夷有  
八十餘城王之所居名康延川中有弱水南流亦  
用牛皮爲船以渡戶四萬餘衆女王號爲賓就有

四川名勝志

卷之二十六

三

女官曰高霸平議國事在外官僚並男夫爲之其  
王侍女數百人五日一聽政女王死國中多斂金  
錢動至數萬更于王族求令女二人立之大者爲  
王次爲小王若大王死則小王嗣立或姑死而婦  
繼並無篡奪所居皆重起屋王至九重國人至六  
重王服青色綾裙下領衫其袖委地重婦人輕丈  
夫文字同于天竺以十一月爲正每至正月令巫  
者賫酒殺詣山中散糟麥于空大咒呼鳥俄時有  
鳥如鷄飛入巫者懷中因剖其腹視之有一穀來  
歲必登若有霜雪必多災異其俗因之名爲鳥卜



隋大業中蜀王秀遣使招之拒而不受唐武德中  
女王湯傍氏始遣使貢方物自永徽七年至天寶  
元載朝貢不絕其後復以男子爲王貞元九年其  
王湯立悉與哥隣國王董卧庭白狗國王羅隋忽  
逋租國王弟鄧吉知南水國王姪薛尚悉曩弱水  
國王董辟和悉董國王湯悉贊清遠國王蘇唐磨  
咄霸國王董藐蓬各詣劍南西川乞內附其哥隣  
等國皆散居西山弱水王卽唐初女國之弱水部  
落其悉董國在弱水西故亦謂之弱水西悉董王  
舊皆分隸邊郡祖父例授將軍中郎果毅等官自  
四川名勝志

卷之二十六

三

中原多故皆爲吐蕃所役屬其部落大者不過三  
二千戶各置縣令十數人理之土有絲絮歲輸于  
吐蕃至是悉與之同盟相率獻款兼賫天寶中國  
家所賜官誥二十九道以進節度使韋臯處其衆  
于維霸保等州給以糧種畊牛咸樂生業立悉等  
數國王自來朝召見于麟德殿授立悉銀青光祿  
大夫歸化州刺史鄧吉知試太府少卿兼丹州長  
史薛尚悉曩試少府少監兼霸州長史董卧庭行  
至綿州卒贈武德州刺史命其子利羅爲保寧都  
督府長史龔哥隣王立悉妹乞悉漫頗有才智從



其兄來朝封和義郡夫人其大首領董卧卿等皆授以官俄又授國王兄湯厥銀青光祿大夫試太府卿青遠王弟蘇歷顛銀青光祿大夫試衛尉卿南國王薛莫庭及湯悉贊董藐蓬女國唱後使湯佛庭美王鉢南郎唐弁授銀青光祿大夫試太僕卿其時西山松州生羗等二萬餘口相繼內附其黏信部落主夢葱龍諾部落主辟葱皆授試衛尉卿立悉等弁赴明年元會訖賜以金帛各遣還至八月召韋臯統押羗蠻及西山八國使其部落至今猶代襲刺史等官然亦潛通吐蕃故謂之兩面

羗也○陳子昂上蜀中軍事曰臣伏見劍南諸州緣通軌軍屯在松潘等州千里運糧百姓困弊臣不自恤竊爲國家惜之伏以國家富有巴蜀是天府之藏也自隴右及河西諸州軍國所資郵驛所給商旅莫不取足于蜀又京都府庫歲月珍貢尚在其外亦不費矣今邊郡主將乃通軌一軍徭役之弊使百姓貧窮國用不贍河西隴右資給亦減臣伏惟松潘諸軍自屯鎮以來于今相繼百十餘年竟未聞盜賊大侵而有尺寸之効今國家甘心竭力以享之臣不知其故伏惟念惜臣在蜀時傳



聞松潘等州屯軍數不逾萬計糧給餉年不過七  
萬餘石可盈足邊郡主將不審支度乃每歲向役  
十六萬夫夫檐糧輸送一斗之米價錢四百使百  
姓老弱未得息肩比年以來多所逃亡臣伏以吐  
蕃未忍卽滅松潘屯兵未可廢散若准此賦歛每  
年以十六萬夫運糧臣恐更三年吐蕃未殄劍南  
百姓不堪此役恐非聖神制敵安人富國強兵之  
神筭也愚臣竊聞蜀中耆老平議劍南諸州比來  
以夫運糧者且一切並停請爲九等稅錢以市騾  
馬差州縣富戶各爲屯駐稅錢者以完腳價各次  
四川名勝志

卷之二十六

十四

今

第四番運輦不用一年夫運之費可得數年軍食  
盈足比如常運減省二十餘倍蜀川百姓永得休  
息通軌軍人保安邊鎮京臺府庫河西軍馬得利  
供輸臣伏審計便宜體大非一二狀具盡○中大  
夫曰陳拾遺論蜀西邊事而首及糧運誠知所先  
務也余署司事因治兵使者議買虜米回檄開府  
云松潘重鎮控馭番虜緩急時有積儲宜先今該  
道酌議買米萬石以備不虞誠未雨綢繆之計思  
患預防之道也第轉運事宜尚有未盡者茲採之  
輿論叅之臆見開列數款于後○一均民運何則



松茂邊糧自崇慶邛灌新繁崇寧溫江六州縣此南路也自綿州彰明江油平武梓潼五州縣此東路也南路者灌縣買米起運而威茂驗糧通判督之東路者于江油縣買米起運而龍安驗糧同知督之其法非不犁然具也但領買者爲店戶卽包攬之別名領運者爲脚戶卽逋逃之淵藪店與脚合則通同爲奸店與脚分則彼此推調積欠盈萬追併虛文邊儲匱乏職此之由今南路者已議起派各州縣矣均之一餉也東路獨不可做而行之乎應照例酌派綿州彰明江油平武各州縣而梓潼土瘠穀稀又與餉道偏左特令裁去以安縣代之蓋安縣首建此議當不辭難耳說者曰江灌領運者此脚頭也法更人故能保無弊蓋事不擇人貴行之有法以二驗糧官之事而散之十一州縣無獨任之難以各州縣之米而自徵自解又責成之易何不舍其難以就所易者乎○一定會計何則松茂各倉有長中短之別焉自南路言之在西寧安化等一十五處者謂之長倉每石脚價自一兩一錢二分以至一兩五錢五分在疊溪普安等八處者謂之中倉每石脚價自七錢八分以至一



兩在茂州廣備等一十二處者謂之短倉每石腳價自三錢四分以至七錢四分自東路言之在松潘漳臘等一十二處者謂之長倉每石腳價自六錢二分以至一兩四錢三分其先年固自有經制也嗣謂彼中官軍消長不齊故逐年會計雖云詳慎之一端要亦約其大槩耳豈斤斤于計口而食數米而炊者哉州縣藉口于割付之未到而徵發愆期脚戶垂涎于價值之有餘而趨避易起甚至中途減運進退維谷長倉詮次折乾獨多是邊與民兩病之矣須聽本司會同該道將應運米石卽四川名勝志

卷之二十六

五

以萬曆三十七年備供三十八年之數爲則長短相兼均派二路刻定書冊永爲定規倘糧米有剩餘不妨存貯以備用官軍有增益卽于流積內接支惟登報循環明白無紊庶乎人易遵守餉可尅期○一慎稽查何則在歲邊儲本司只管徵發該道只管收貯而中間遲速完欠未之盡聞精神氣脉殊不貫串且于江灌起脚之地卽爲查驗米未就道而復歸家矣又聽憑糧官閒暇之時始行給發士久待哺而何以應急乎宜早備行運米各州縣九月開徵頭運不得過十一月二運不得過次



年正月先儘長倉中短次之每赴本司支給脚價卽以該運倉口米石數目報驗本司仍給限票二張一給該州縣一另發緊要地方如東路則江油小河之類南路則灌縣茂州之類遇某州縣糧到該地方官卽以本司原票馬上通報倘不如期如數者行該州縣查究其完納一倉卽取一倉硃串申繳不必拘泥一州縣全完致病守候○一酌虜米何則虜米之說自萬曆二十二年起至今止或行或否迄無定規議復議寢有同聚訟職邊防者欲有備而無患司出入者恐額外之不敷均爲地

方計也今據該道議欲買米萬石以備緩急仍以五年爲率每年于正數內減運二千在目前雖似驟發在日後無損絲毫是邊儲與財用兩得之矣每米一石脚價共銀一兩八錢六分計一萬石該銀一萬八千六百兩備行松潘道差官赴司支領前數其委買員役派頓倉口與夫稽核完欠數目俱聽該道酌行卽以三十七年備供三十八年額內減運二千石至第五年預買扣除悉仍舊貫○時大中丞俱可其議但以東路糧米收派綿彰等州縣徑運一節第不知人情樂就否須再一查議



務使小民稱便經久可行隨移會該道牒稱行據  
綿州申稱行據彰明縣申拘集四鄉里老楊希賢  
等訴稱本縣每年額徵大糧四千餘兩每年除存  
留支給官吏師生俸廩并兌買賞番布疋共去銀  
八百四十六兩零解司大糧尚有三千二百有奇  
如將前項大糧盡徵本色十分便益且貧民毫無  
生理得領腳價往來度日誠爲便益該本縣看得  
坐派糧米民情之樂從已無疑矣卽以本縣應解  
大糧注定米價盡數派成米石九月秋成徵收入  
倉領腳價募夫起運不易之策也又據平武回稱

本縣原係土司改流並無解司糧餉其本縣應買  
之數照依舊則徑赴本司請發米腳價銀下縣僉  
令殷實買米雇腳赴倉完納徑取通關銷繳倘有  
違悞本縣敢任其責等因到州該攝州事羅江縣  
知縣夏之鳳查看得邊糧關係甚重腳頭貽害已  
深不一收絃而易轍非惟于邊無濟抑于民有累  
也祇爲奸猾資耳本州頗產穀米比照南路一例  
徵解可近無累于民而遠有裨于邊矣卽腳頭垂  
涎盤據難以准從又該本道看得買運松潘東路  
糧米俱係各州縣市棍營克腳頭領銀隨費遂致



邊儲日虧逋欠日甚今改議各州縣糧米徵收本色赴領脚價徑運該倉誠爲妥當旣經行據各州縣回報民皆樂從但平武縣不產五穀或發銀令該縣僉報殷實承買准此又該本司看得輪邊重務也改革難言也苟非小民之所樂從則不可行卽行矣亦不可久寧爲慎重勿失鹵莽長策也但江綿地方頗皆產米米價每石五錢者其常也松邊之米定價五錢三分倉斛又縮于市斗焉此在百姓享什一之利而司帑省出入之煩也且米但徵之民耳非卽民運也州縣赴司而領脚價仍舊四川名勝志卷之二十六

无

桂

雇脚譬如商販焉分運者以毋錢付託經紀買貨隨手花費而貨不可必得徑運者買成貨物雇脚盤運可計程而抵舍矣此無論東路卽南路亦然旣經覆查前來相應備行該道轉行綿州江油彰明二縣遵照自三十八年爲始照坐定糧米于各州縣大糧起派每石照例折銀五錢三分平武縣原無大糧照舊赴司領價其年例脚價俱聽本司請發行各掌印官董理雇脚起運及照梓潼縣僻遠又非產米之處應行裁革安縣詳允之後愿由南路姑聽其便容本司額坐倉口刊刻書冊通行



遵照右有買運邊糧書冊刻在藩司○唐杜甫代  
渝州王使君進論巴蜀安危表臣某言伏自陛下  
山東收蕪薊洎海隅萬里百姓感動喜王業再造  
瘡痍蘇息陛下明聖社稷之靈以至于此然河南  
河北貢賦未入江淮轉輸異于曩時惟獨劍南自  
用兵以來稅歛則殷都領不絕瓊林諸庫仰給最  
多是蜀之土地膏腴物產繁富足以供王命也近  
者賊臣惡子頻有亂常巴蜀之人橫被煩費猶自  
勸勉克備百役不敢怨嗟吐蕃今下松維等州成  
都已不安矣楊琳師再脅普合顛顛兩川不得相

救百姓騷動未知所裁况臣本州山南所管初置  
節度庶事草創豈暇力及東西川哉伏願陛下聽  
政之餘料巴蜀之理亂審救援之得失定兩川之  
異同問分管之可否度長計大速以親賢出鎮哀  
罷人以安反仄犬戎侵軼羣盜窺伺庶可遏矣而  
三蜀大府也徵取萬計陛下恐坐見其狼狽何不  
卽爲之臣竊恐蠻夷得恣屠割耳實爲陛下有所  
痛惜今梁州旣置節度與成都足以久遠相應矣  
東川更分管數州于內幕府取給破弊滋甚若兵  
馬悉付西川梁州益坦爲聲援是重斂之下免出



多門西南之人庶幾有活望焉必以戰伐未息勢  
資多軍應須遣朝廷任使舊人授之使節留後之  
寄綿歷歲時非所以塞衆望也臣于所守封界連  
接梓州正可爲成都東鄙其中別作法度亦不足  
成要害徒擾人爲伏惟聖主裁之勅天下徵收赦  
文減省軍用外諸色雜賦名目伏願損之又損劍  
南諸州亦因而復振矣將相之任內外交遷西川  
分閫以仗賢俊請慎擇重臣有臨危制變之明者  
觀其樹勲庸于當時扶泥塗于已墜借如犬戎傲  
擾臣素知之臣兄承訓自沒番以來長望生還僞

親信于贊普探其深意意者報復摩彌青海之役  
決矣同謀誓衆于前後沒落之徒曲成翻動陰合  
應接積有歲時每漢使回蕃使至帛書隱語累嘗  
懇論臣皆封進上聞屢達臣兄承訓憂國家緣邊  
之急願亦勤矣况臣本隨兄在蜀向二十年兄旣  
辱身蠻夷相見無日臣比未忍離蜀者望兄消息  
時通所以戮力邊隅累踐班秩補拙之分淺待罪  
之日深蜀之安危敢竭聞見萬一少裨聖慮遠人  
之福也愚臣之幸也○天寶元年孫逖爲宰相賀  
龍右破吐蕃表云臣等先在城中因奏事陛下謂



臣等曰朕料至重陽已來諸軍必頻尅捷臣等  
承聖旨詎測神功近者隴右果奏斬獲莽布支并  
生擒蘇毗王及鑾駕將廻劍南節度使章仇兼瓊  
又奏西山將士分爲五道破吐蕃城堡鎮柵等四  
十餘所四鎮節度馬靈察又奏破吐蕃不可勝數  
并開護密識慝等數國共爲邊捍者數旬之間三  
方告捷應如影響合若符契禁暴如武盡決于宸  
衷知來似神更超于繫表斬級獲醜陷陣隳戎蒐  
東方之五將舉無遺策道西城之諸蕃仍爲外蔽  
百戰百勝以夷攻夷高居九重懸料萬里所以彰  
四川名勝志

卷之二十六

三

睿畧之天贊知犬戎之日蹙臣等吞陪巡幸預奉  
德音踴躍之誠實倍恒品無任欣慶之至謹奉表  
陳賀以聞○大曆十年常袞賀劍南破西蕃表云  
臣某言今日伏見劍南西川節度使崔寧所奏露  
布十一月七日于劍南大破吐蕃斬首八千五百  
級生擒九百四十二人獲牛馬器械一千馮計者  
陛下以西戎負恩連歲設備近興武旅遠鑠王師  
故隴上無虞邛南海捷事同符契謀動鬼神凡在  
臣庶不勝慶快伏以西蜀一隅犬戎乘隙聖謀潛  
運藩帥龔行以我同力出其不意故得邊兵無遺



之費在寇有與尸之凶名王首將旣克倭  
塞堅城亦入封守神武之德莫測掃除之勢足徵  
天聲一臨風動萬國則方隅不擾候我綏懷夷夏  
大同期于指掌臣等覩茲大捷愧乏嘉謀慶躍之  
誠實倍恒品○貞元元年韋臯破吐蕃露布云尚  
書兵部臣韋臯等言臣聞天討有罪兵應者勝義  
者王夷不亂華師直爲壯曲爲老多助之至四極  
爰輟貞觀則同羅擊延陀開元則九姓殄默啜曰  
商莫不來享犯漢雖遠必誅德風鷄乎河源武節  
愴乎月窟率寧人之有指先元戎以啓行信用威

厭弗悔祗金之甌楚氛甚惡輒興喪甲之謀蠢爾  
數寧武功纘八葉之鴻圖奮四征之雄略懷梟鷄  
銷稜沴稟仰太和剪鯨鯢清郊原掃除羣穢王猷  
允塞我武惟揚竒幹善芳各修貢職條支若木咸  
順旨令遷積石之遐陬有吐蕃之醜類侵敗王畧  
倍奸齊盟乘邊將之騁兵瞰戎亭之虛候爲蛇豕  
食上國盡盜河湟帥螫賊搖我疆再驚畿甸騎蹙  
致于深入鑿蹕至于親屯攔然授兵協以謀我尚  
納汚而含垢姑通事以結和清水之盟未乾好時  
之歸已聚指涇靈而徼賂闖鹽夏以擣虛夷德無



光祖宗不以賊遺君父恭惟皇帝陛下宣昭義問  
爲讎孽居匪茹維時南詔慕化中朝先零之質諸  
羌雖嘗并力麋人之率百濮罔不離心頓顙于邊  
受命于吏斷匈奴之右臂羈南粵以長纓蕤貉輸  
致騎之勤晉戎成椅鹿之勢彼旣失鐵橋之險我  
遂克峨和之郛盍竄匿于龍堆復虔劉乎鱗塞戕  
我守將墮我裨隍修戈矛而與同仇靡室家不遑  
寧處臣等請奮其旅以殲乃讎鳳翔振武靈武之  
騎獵其西邠寧太原涇源之兵震其北率山南熊  
羆之校暨東川羆虎之師烏蠻撓其腹心回鶻擣

四川名勝志

卷之二十六

三

五

其肘腋衆素飽矣壹大治之諸將陳洎等統五萬  
軍出十一道濟師西顛之半策勦北陸之初盪平  
七城斬馘萬級獲鎧械五十萬計燔堡壘百七十  
餘遂賈勇而圍昆明將決勝而定青海爲東境五  
節度大使論莽熱釋朔方之衆援維州之城九攻  
九却之計窮七縱七擒之威速連連執訊矯矯獻  
囚不然我薪而自焚有如破竹之立解拂廬魚潰  
甌脫鬼犇谷靜山空行就焉耆之僂區殫域滅訖  
聞智聖之降斯皆廟謨淵深神斷天造明見萬里  
運竒堂上之兵守在四夷制勝目中之虜勒功滇



池之柱植表赤領之之碑一怒安民文之勇也三  
軍用命克何力焉臣等承帝之明敵王所愾開遠  
門揭侯坐收西極之舊封紫微殿受俘重觀昆丘  
之茂績臣等無任慶快激切屏營之至謹遣某官  
奉露布以聞○令狐楚賀劍南奏破吐蕃表臣某  
言當道進奏院狀報六月某日劍南節度使韋臯  
狀奏破吐蕃五千餘衆生擒大酋官七人陣上殺  
一百五十餘人收獲牛馬四百餘頭足毘械一千  
五百餘事者吉語遠及歡聲相接中賀臣聞順實  
臣道伏順者至柔而全禮爲天經無禮者雖衆必  
四川名勝志卷之二十六  
敗陛下君臨萬國天覆兆人恩覃于幽微澤及乎  
荒遠蠢茲蕃醜假息西隲惟天地含弘之心未能  
剪滅以豺狼貪戾之性輒肆陸梁爰整其師不攻  
而取此皆降睿畧于天下頒明謀于闔外制士之  
死命得人之歡心所以殪戎如羊破虜如蝨毆彼  
牛羊獲其侯王威加于殊域武暢乎羣動自然赤  
山之壤可蹈清滌之波可涉必當封土刻石以垂  
天聲戎臣司武獲覩其慶不勝歡抃之至○權德  
輿賀雲南軍破吐蕃劍山保定城表云臣某言伏  
見劍南西川節度使某官某所奏兵馬使宋冕前



月十八日與雲南軍合勢攻破吐蕃劍山保定城  
當日斬城使者伏以聲教所被遐邇大同蠢茲西  
戎尚有遺類或犯亭障且稽靈誅陛下睿筭無窮  
天威遠震以夷裔感恩之衆佐藩隅制勝之臣取  
以多方累獻戎捷事皆前定必稟聖謨斬將擐旗  
出于料外堅城便地書落穀中通荒服會朝之途  
絕餘孽窺覲之隙奉威懷之命以律而臧兼夷夏  
之師在和而克此皆由陛下神武潛運妖氛永清  
由是成擒自當盡敵臣等謬當樞近愧乏廟謀幸  
覩成功不勝大慶無任欣抃之至謹奉表陳賀以

四川名勝志

卷之二十六

三

聞○宋羅泌蜀山世紀論曰嗚呼山川設險此天  
地之所以限疆界也嗟人之生雖聖且智其精神  
固有限劑而動地之不可極今古同也奈何多欲  
之君溪心壑志貪以取敗然後百鑿啓而天地閉  
矣余讀揚雄蜀紀而感夫蜀之所以通中國者夫  
蜀之爲國富羨饒沃固自一天壤也西番東漢北  
秦南廣一障之隔自生民以來君君世世紹蜀不知  
有中國而中國亦莫知有蜀五帝以來羈縻服外  
蜀固不爲中國少而中國亦不爲蜀不足也周衰  
之時蜀王貪恠求欲無厭故秦惠得以圖之飾妖



嬈之子劉怪誕之牛以誘其衷而後褒斜之路橫  
矣以故秦入得蜀之資而遂併天下自是蜀山不  
閉莫有其有至于今爲中州則貪求之所致也一  
自中國之有蜀也故不可謂之無利也然而風動  
之辰常先他國而綴靈府一或入保則無復中國  
之所有者是其爲國固鬼神之所作也余旣讀蜀  
紀而感夫蜀之所以通中國者及讀陳子昂之疏  
而又幸蜀之不通于吐蕃也夫吐蕃之于蜀猶昔  
日之秦于蜀也方其挈唐之兵大戰則大勝小戰  
則小勝幾十載矣未嘗亡一旅也以薛仁貴郭待  
四川名勝志 卷之二十六 七  
封彪武之將屠十萬衆于大非之川一甲不歸以  
李敬元劉審禮廊廟之宰辱十八萬衆于青海之  
上竟不能俘一醜而關隴爲墟可謂疆矣然其涎  
垂全蜀之珍如是之久而不得食者徒以山川之  
阻絕而障塞之不通也胡爲議者欲以梁鳳巴蜒  
之兵開蜀道繇雅州以討生羗而襲吐蕃夫羗人  
固未易討而昔者東漢之所繇喪敗者也嗚呼其  
亦幸而不成歟萬一生羗可破而蜀道遂開則蜀  
之瑤庫自此轉而西矣使我而得吐蕃其財固不  
足以裕國其地固不足以穡也而徒戮無辜之民



竭有常之帑以徇之爾其或得之而得以稽亦何異于釋近塾而創遠業乎又何異于舍已之田而芸人之田者也况已之田舍矣而他人之田未必芸邪昔者漢之武帝好大而喜功使者張騫乃反誇以西域之富于是噉丘以爭之四十年間中都之財賦夏國之生靈畧盡于西域矣非不得其地也得朔方之郡而自不能以耕也非惟不能耕也以危士臣以締怨者得大宛良馬數十而已使齊楚之巨擘怨而交訟所爭亦不啻是一何默邪嗟

乎武之轍旣覆于前矣而隋之裴矩又以西域之圖蕩煬帝之侈心于是親出玉門置伊吾且末而關石蕭然始恃盛疆卒歸狼狽此魏公之所以傷之者也顧不韙歟余嘗言之溟渤洪漲此天地之所以限東徼也惡溪沸海此天地之所以限南徼也陷河懸度之設乎西瀚海沙子之設乎北此天地之所以遮西而制北者也徼障霧于東維界黑水于南極泄流沙于西隄決弱水于北滅此天地之所以界四維也八荒之內奚有奚無八荒之外何窮何止古之聖人一視同仁爲吾臣與爲狄人



臣奚以異是故人得其君則已矣請試舉一隅以  
憲之方昇明之二年委王奉表以條其祖之勛謂  
東西之所服者二百九十有六國是固海東之國  
也倭王之所服者也其所不服者幾什伯君其盡  
制歟支顯西游道其所記亦數百國此于甸以西  
國也支顯之所知者也其不知者又不知其幾也  
知猛法盛之錄曇勇道安之傳審至之國不下三  
四五百大延四域之使魏氏四道之賓所奏之國  
亦不下三四五百此世之未嘗聞者也是數千國  
者固俱樂土也其地可謂遠矣而其人亦未嘗有  
四川名勝志

卷之二十六

三九

能道天之涯地之角者惡乎貪而不知已邪慮亂  
者穿其願志遠者賴其目黃帝堯舜非不能服遠  
也而所守者域服之外一無所事其在周公亦不  
過曰誥爾戎兵陟禹之迹而已夫禹聲教暨于四  
海而其制中國若是截也伊尹四方之令狗國豹  
胡亦不過三十有六國來者不可拒往者不爾追  
又曷嘗勞吾萌宣吾府而奉之哉噫先王之政教  
其施于中國者蓋詳矣推先三之政教以治中國  
則禹之所制不爲少矣不繇先王之政教則禹之  
所制猶將不異于戎狄彼以遠畧誇後世而不詳



乎其內者是豈禹之心也哉末世之君不知古者  
之所以爲國而以貪求速敗豈禹反惑邪嗚呼其  
亦不聞蜀漢隋氏之事則已矣少有所知有不爲  
之寒心哉○陳子昂感遇詩丁亥歲云暮西山事  
甲兵羸糧匱叩道荷戟爭羗城嚴冬陰風勁窮岫  
泄雲生昏瞠無晝夜羽檄復相驚拳跼競萬仞崩  
危走九冥籍籍峯壑裏哀哀冰雪行聖人御宇宙  
聞道泰階平肉食謀何失藜藿緬縱橫自注云元  
寶六載丁亥吐蕃圍松州也杜甫西山詩辛苦三  
城戍長防萬里秋煙塵侵火井雨雪閉松州風動  
四川名勝志卷之二十六 四

將軍幕天寒使者裘漫山賊營壘回首得無憂嚴  
武軍城早秋詩昨夜秋風入漢關朔雲邊月滿西  
山更催飛將追驕虜莫遣沙場疋馬還杜甫和云  
秋風嫋嫋動高旌玉帳分弓射虜營已收滴博雲  
間戍欲奪蓬婆雪外城薛濤罰赴邊有懷上韋令  
公詩云聞道邊城苦今朝到始知羞將門下曲唱  
與隴頭兒其二云黠虜猶違命烽煙直北愁却教  
嚴譴妾不敢向松州 我明楊慎雪關謠云雪關  
謠者途人思何將軍也雪山關雪風起十二月斷  
行旅霧爲箐冰爲苔馬毛縮鳥鳴哀將軍不重來



西路何時開按將軍名卿字蓋臣合肥人成都前  
衛指揮僉事弱冠卽戎正德戊辰守備威茂庚午  
征流賊手刃數人值東蠻出劫安緜警連大印落  
鬼蠻圍壩底城二旬卿出奇破之又報捷于土門  
威名大振庚辰論功晉指揮使擢都指揮視閩篆  
嘉靖壬午克小河叅將未幾芒部亂遷永寧叅將  
擒隴政支等繕城署建學校瀘人多繪像祀之丙  
戌擢松潘總兵時南路梗塞數十年矣公至悉圖  
恢復改河修堡鑿險爲夷于是始通矣已奉命專  
征茂州五寨殊死戰奪虎頭崖等險克平十一寨

四川名勝志

卷之二十六

聖

桂

進中府都督僉事仍領松鎮得節制東南大修長  
安馬路師家永平等堡于善地增修禦寇靖虜諸  
墩以扼險儲薪利用鑿泉便汲隨處賴之復裁省  
各路每年安班番賞以萬計沿邊建營爲間二萬  
有奇夾路邊垣障蔽一千餘里丙申渾水溝等蠻  
復叛一鼓平之庚子進都督同知癸卯用言官議  
以名將徵入本兵會推總督禁營力遜避乙巳奉  
勅提督東官廳聽征總兵官會蜀白草蠻叛撫臣  
疏請大征兵擬三萬有奇糧擬四十萬石時值大  
饑公至惻然兵減三分之一糧減十分之力因敵



爲糧用降爲導直搗巢穴盡殲渠魁餘黨請降獻  
地輸貢皆其力也公爲人清心寡慾號令嚴明恩  
威兼濟動中機宜平時涉獵書史咨訪邊務身先  
儉遜以風武弁邊氓父老謂丁大夫之後一人而  
已

四川名勝志卷之二十六

終

四川名勝志

卷之二十六

三



王